

Lappi buresveadjinguovllu dárkkistanlávdegotti árvvoštallanmuitalus jagis 2022, čeahkkáigeassu

Lappi buresveadjinguovllu doaimma válmmaštallan jagis 2022 lihkostuvai oalle bures

Lappi buresveadjinguovllu (Lapha) dárkkistanlávdegoddi lea dohkkehan 11.5.2023 § 46 árvvoštallanmuitalusa jagis 2022. Dárkkistanlávdegotti váldobargu lága mielde lea árvvoštallat, leatgo ollašuvvan doaimma ja ekonomijja ulbmilat maid guovlostivra lea ásahan, ja leago doaimma buktán bohtosiid ja leamaš vuogálaš. Jahki 2022 lei dárkkistanlávdegotti barggu ollašuhhtima dáfus eahpedábálaš, danin go Lappi buresveadjinguovllu doaimma álggii easka jagi 2023 álggus. Árvvoštallanmuitalus čuohcáge válmmaštallanmuttu doaimma árvvoštallamii.

– *Dárkkistanlávdegotti váldofuomášupmi lea dat, ahte Lapha doaimma stivrejedje jagis 2022 hui sakka virgeolbmot ja ráđđehus. Lávdegoddi ávžžuha, ahte dat doaimma lágidanvuohki ii báze bissovažžan. Mearridanválddi galggašii bastit juohkit viidábut ja vihkkedallat válddi ođđasit meroštallama, dadjá dárkkistanlávdegotti ságadoalli Vesa Puuronen.*

Ulbmilat leat eanas ollašuhhton

Dorvvolaš sirdin ja bálvalusbuvttadeami joatkkašuvvan boatkankeahtá lihkostuvve jahkemolsumis 2022-2023 nugo ulbmil lei. Lappi buresveadjinguovllu válmmaštallan ovdánii jagi 2022 áigge hohpolaš áigetávvalis ja válmmaštallanresurssaid vátnivuodas fuolakeahtá buori vuoiñgas.

Organiserema galgá čielggasmahttit

Buresveadjinguovllu áššit leat gieđahallon eanas guovlluráđđehusas. Organisašuvnna ovddideamis fertešii suokkardallat doaimmaorganaráhkadusa ja delegeremiid nappo doaimmaválddi sirdimiid. Bargiidorganisašuvdna lea linjáorganisašuvdna nappo juohke doaimmasuorggis lea okta hoavda, muhto sosiála- ja dearvvašvuodábálvalusaid njealji bálvalanguovllu rolla ja jodiheapmi báhcá eahpečielggasin. Hástalussan lea maiddái sosiála- ja dearvvašvuodábálvalusaid oktiiveiveheapmi.

Doaimmaorgána- ja bargiidorganisašuvnna, sisttisoallá maiddái bálvalusguovlomálla, galgá ođđasit árvvoštallat. Áššiid ferte gieđahallat ja mearridit vuogálaš dásis.

Hástalussan lea ekonomijja dásšen

Jagi 2022 beales ruhtadeapmi lei doarvái ja rehketoallobaji boadus badjebázalaš ovdal ruhtadoalloloahpaheamisirdimiid. Leat vuoduštusat dasa, ahte buresveadjinguovlui dahkkui oppalašbušeahtta. Válmmaštallanmuttu ruđalaš ulbmilat ja doaimma ulbmilat eai gieđahallon eaige mearriduvvon guovlostivrras. Stivrra mearrádušat livčče goitge buktán johtuiboahntinmuttu ulbmiliid várás dárbašuvvon doarjaga ja árvvoštallanvuodu.

Jahkái 2023 lea dahkkon vuolláibázalaš bušeahtta (-43,2 miljovna euro), man ferte gokčat jagi 2025 rádjái. Lea vuorddehahtti, ahte ekonomijja dássema eaktun leat mearkkašahtti ráhkaduslaš ođastusat.

Bargiid ja bargoadibeaggima várás ferte geavahit návccaid

Lappi buresveadjinguovlui sirdáse bargit 27 organisašuvnnas: 21 gieldda sosiála- ja dearvvašvuodabálvalusain, Lappi (LSHP) ja Länsi-Pohja (LPSHP) buohccedikšunbiirriin, Kolpene bálvalanguovddáža gielddaovttastumis (maidái Davvi-Suoma sosiálasuorggi máhttinguovddáš), Oulunkaari gielddaovttastumis Simo bálvalusaid oasil, Pelkosenniemi-Suovvaguokka álbmotdearvvašvuodabarggu gielddaovttastumis ja Lappi gádjunlágádusas.

Bargit sirdáse boares bargin bargat eanas seamma bargguid fitnodatluobaheami prinsihpaid mielde. Lappi buresveadjinguovlu, gos barget 1.1.2023 rájes 7 641 sode- ja gádjunsuorggi ámmátolbmo, lea boahttevuodas lappilaččaid buresveadjima vuodđu. Maidái priváhta doibmiide sirdojuvvon bálvalusat doibmet nugo ovdalge.

Lappi buresveadjinguovllus hupmet suomagiela lassin golbma sámegiela: davvisámegiela, anárašgiela ja nuortalašgiela. Lappi buresveadjinguovllu earenomáš bargun lea sámegielat bálvalusaid ovddideapmi. Sámegielat bálvalusaid oažžun ja fállan lea goittotge sorjavaš sámegielat bargiid oažžumis. Dán dihte daid virggiid ja bargguid oasil, main sámegiela máhtus lea mearkkašupmi, ohcanalmmuhusas galggašii leat máinnašupmi, ahte sámegiela máhtu sáhttit geahččat earenomáš ánsun.

Nuppástuvvandili válmmaštallan barggahii issoras olu, ja nuppástuhttima jodiheami hástalus lei stuoris jagis 2022. Hui gáibideaddji nuppástuvvandiliin livččii dehálaš geavahit návccaid ráhkadusaide, mat doalahit bargoburesveadjima ja main jodiheapmi ja hoavdabargu lea guovddáš rollas.

Háhkamáhtu sihkkarastin lea dehálaš

Lappi buresveadjinguovlui sirdásit oktiibuot 4 878 iešguđetlágan soahpamuša, eanemus ICT- ja oastinbálvalussoahpamušat. Mearkkašahtti fuomášupmi lei, ahte gielddat ledje dihto osiin guođđán jagi 2022 loahpas gilvalahttekeahttá soahpamušaid, mat ledje nohkame ja hohpolaš, ovdan boahtán gilvalahttimat leat dahkkon buohccedikšunbiirriid resurssaiguin ja oastimiin gilvalahttinkonsultabálvalusa, mii lea leamaš 8-10 geardde divrasit go iežas bargun dahkkon.

Háhkandoaibma lea gávnnahan, ahte háhkamiid válmmaštallama livččii galgan álggahit árabut ja háhkamiid válmmaštallamii ledje beare unnán resurssat.

Mátkebálvalusguovddáža doaimma galgá viiddidit

Teknikkalaš ja logistihkkabálvalusat lea guovddáš ovddasvástádussuorgi, mii hálddaša stuora meari (492) giddodagaid ja doaimmasajiid sihke fuolaha ee. fievrredanbálvalusain.

Fievrredanbálvalusaid gilvalahttin lea bistán guovlluráđđehusas badjel guhtta mánu, vaikko soahpamušat leat nohkan mángga gielddas jo jagi 2022 loahpas. Dát sáhtta máksit dan, ahte hattit bajiduvvojit ja fievrredanbálvalusaid oažžun ádjána.

Dálá dilis mátkebálvalusguovddáš (MPK) buvttada bálvalusa dušše Roavenjárgga guovllus, muhto dán gaskkustanbálvalusa livččii vejolaš váldit atnui olles Lappi buresveadjinguovllus. Dárkkistanlávdegoddi atnáge dehálažžan, ahte mátkebálvalusguovddáža doaimma olahuvvo olles Lappi buresveadjinguovlui.

Árvvoštallanmuitalus guovlostivrras geassemánus

Dárkkistanlávdegoddi guođđá árvvoštallanmuitalusa jagis 2022 guovlostivrra 12.6.2023 čoahkkima gieđahallamii ja evttoha, ahte guovlostivra bivdá guovlluráđđehusa čohkket vástádusaid ja addit stivrii cealkámuša čakčamánu loahpa rádjái doaimbabijuin, maid árvvoštallanmuitalus lea gávnahan, ja maid leat álggahan dárkkistanlávdegotti cealkámušaid vuođul.

– *Dárkkistanlávdegoddi sávvá, ahte jo dán jagi 2022 árvvoštallanmuitalusa fuomášumit ja ávžžuhusat adnojuvvojit ávkin Lapha boahhtevaš doaimma ovddideamis jagi 2023 áigge, dadjá dárkkistanlávdegotti ságadoalli Vesa Puuronen.*

Lappi buresveadjinguovllu dárkkistanlávdegotti árvvoštallanmuitalus jagis 2022 almmustahttojuvvo geassemánus neahttasiidduin čujuhusas [Lapha.fi](https://lapha.fi) → Dieđut min birra (Tietoa meistä) → Mearrádusdahkan (Päätöksenteko) → Dárkkistanlávdegoddi (Tarkastuslautakunta).

Lassedieđut:

- Lappi dárkkistanlávdegotti ságadoalli Vesa Puuronen, vesa.puuronen@lapha.fi, tel. 050 320 3434
- Lappi buresveadjinguovllu dárkkistanhoavda Riitta Erola, riitta.erola@lapha.fi, tel. 040 537 8271